


Datganodd papur swyddogol Plaid Gomiwnyddol Vietnam, Nhan Dan yn 1996.... "Dylai pawb ymdrechu i grynhoi cymaint o gyfoeth ag sy'n bosib iddyn nhw'u hunain er mwyn hyrwyddo twf economaidd... Bydd yn anodd osgoi bychau rhwng y tlawd a'r cyfoethog." Erbyn 1988 roedd byddinoedd economaidd y system gyfalafol - Banc y Byd, Banc Datblygu Asia a'r IMF - i gyd wedi agor swyddfeydd newydd yn Hanoi. Llifodd dynion busnes o Ewrop a Japan i'r wlad. Roedd Nixon wedi disgrifio De-Ddwyrain Asia fel "The Prize", ac yn awr roedd y gorllewin yn symud mewn i hawlio'i gwobr. Yn 1994 cododd yr Arlywydd Clinton yr embargo ar Vietnam, ac yn 1995 symudodd llys-gennad Americanaidd i Hanoi i agor swyddfa.



Cafodd gwledydd y gorllewin eu gwobr, ond pobl Vietnam sy'n gorfod talu amdani. Roedd Vietnam yn gorfod addo gwneud "diwygiadau angenrheidiol" er mwyn derbyn \$1.8 biliwn mewn grantiau a benthyciadau wrth wahanol gyrrff. Golygai hyn agor marchnadoedd Vietnam i'r gorllewin, lleihau ymyrraeth y wladwriaeth, a diswyddo miloedd o weision cyhoeddus. Roedd yn rhaid i Vietnam gael gwared ar wasanaethau cyhoeddus fel iechyd ac addysg, a chyflwyno "safety nets" Thatcheriaidd yn eu lle. Roedd yn rhaid i Vietnam dalu am ymuno gyda'r gymuned ryngwladol oedd creu cymdeithas y pris yr oedd yn rhaid i Vietnam dalu am ymuno gyda'r gymuned ryngwladol oedd creu cymdeithas ranedig o ran cyfoeth, ble byddai mwyafrif yn byw mewn tldi ac yn cael eu hecsplioitio.

Dywedodd Gabriel Kolko am Vietnam... "Bydd Rhyfel Vietnam yn dod i ben trwy drechu pawb wnaeth ymladd ynddo - hwn yw un o'r trychinebau mwyaf mewn hanes modern". Mewn llai na deng mlynedd mae polisiau Thatcheriaidd llywodraeth Vietnam wedi cael gwared ar y lefel uchel o gyfiawnder cymdeithasol oedd yn bodoli ar ôl y rhyfel ac wedi creu cymdeithas ddosbarth gyda rhaniadau cyfoeth gwaeth nag India. Ym mam un economegydd o Ganada....

Wrth i gyfalaf tamor ddod i reoli diwydiannau fel olew a dur, mae'r economi'n cael ei redeg fwy fwy gan gwmnïau masnachol rhyngwladol. Mae'r Ddoler mwy neu lai wedi cymryd lle'r Pong fel prif arian, a gellid dadlau bod hyn wedi trosglwyddo rheolaeth o'r economi i ddwylo sefydliadau llywodraeth America. Efallai mai un o elfennau gwaethaf y Gyfalafiaeth Newydd yw'r EPZ - neu'r Export Processing Zones. Bu Kenneth Clarke ar ymweliad ag un o'r rhain yn 1995 a chanfod bod pobl yn gweithio yno am \$35 y mis: wnaeth Clarke ddim cwyno wrth llywodraeth Vietnam. Mewn EPZ mae pobl yn gorfod byw mewn barics, ac yn gorfod gweithio oriau hir i gwmnïau mawr sy'n talu cyflogau isel iddyn nhw. Mae dros 100,000 o bobl Vietnam yn byw mewn un EPZ yn ne Saigon.

"Mae llwyddiannau'r gorffennol a dyheadau cenedl gyfan yn cael eu dinistrio a'u dileu... Nid Agent Orange na bomiau dur, nid cemegau gwenwynig, ond arfau dinistriol economaidd newydd."

Mae Banc y Byd wedi gorfodi'r llywodraeth i newid y system ffermio o fod yn gynhaliol i fod yn fasnachol, ac mae miloedd o bobl Vietnam wedi gorfod gadael y tir. Yn ôl amcangyfrifon y Banc ei hun mae 70% o'r boblogaeth yn byw mewn tldi llwyr erbyn heddiw. Mae dros ddwy filiwn wedi colli eu gwaith, y rhan fwyaf o'r rhain o'r Gwasanaeth Iechyd oedd unwaith yn enwog am ddarparu gofal iechyd yn rhad ac am ddim. Nawr mae cyffuriau'n cael eu gwerthu ar y Farchnad Ddu, a gwely mewn ysbyty am ddiwrnod yn costio mwy na chyflog wythnos llawer o bobl. Yn 1980 roedd llythrennedd yn Vietnam yn 90%, ond mae wedi disgyn erbyn heddiw wrth i dri chwarter miliwn o blant adael y system addysg wedi iddi gael ei phreifateiddio.

Mae gweithwyr a phobl gyffredin Vietnam yn dechrau brwydro nôl yn erbyn brâd eu llywodraeth, ac yn erbyn y cwmnïau rhyngwladol mawr. Yn 1997 cafwyd cyfres o streiciau yn EPZ cwmni Nike sy'n cyflogi pobl am \$1.80 y dydd. Efallai bod ysbryd Ho Chi Minh ar gerdded unwaith yn rhagor, ac y byddwn yn gweld pobl Vietnam yn codi unwaith eto i frwydro dros gymdeithas deg a chyfiawn.

Viet Kong Phooey!

y PONG yn disgyn!

# Y CROESGADAU.

900 mlynedd yn ôl, ar ddydd Gwener y 15fed o Orffennaf, 1099 rhuthrodd marchog ifanc 21 oed o'r enw Tancred a'i ddilynwyr i mewn i Deml yn Jerwsalem a llofruddio 20,000 o Foslemiaid. Dyma ddiwedd y cyntaf o'r Croesgadau, oedd wedi cychwyn dair mlynedd ynghynt, ac oedd yn cynnwys brwydrau yn erbyn ysbrydion, Moslemiaid a defaid!

Lansiwyd y cyntaf o'r croesgadau gan y Pâb Urban II yn 1095 yn Clement, Ffrainc. Mewn datganiad wrth ddegau o filoedd o bobl dywedodd ei fod wedi derbyn cais wrth Ymerawdwr Byzantium am gymorth i ymladd y Twrciaid: roedd hwn yn gyfle gwych i Urban ymddangos fel y person fyddai'n achub yr Eglwys yn y Dwyrain, gan roi'r cyfle iddo ddod i reoli'r eglwys i gyd. Galwodd ar Gristnogion i arfogi eu hunain yn enw Cristnogaeth, a mynd ati i achub eu brodyr yn y Dwyrain ac achub Jerwsalem, canolfan y bydysawd. Gallai Urban gynnig tâl i'r rhai oedd yn fodlon ymladd, ond gallai hefyd gynnig rhywbeth newydd, paradwys. Byddai pechodau pawb fyddai'n rhan o'r groesgad yn cael eu maddau.

Doedd Urban ddim yn rhagweld y byddai Joe Cyhoeddus eisiau bod yn rhan o'r fenter, ond crewyd gymaint o hysteria torfol gan y groesgad fel bod mynaich yn pregethu a recriwtio ar hyd a lled Ewrop, gan annog pobl i adael eu gwaith a mynd i Jerwsalem. Arweinydd byddin y bobl oedd Pedr Feudwy, pregethwr brwnt oedd byth yn ymolchi ac oedd yn byw ar win a physgod.

Crewyd brwdfrydedd pellach oherwydd y credai llawer y byddai cymaint o Gristnogion yn Jerwsalem ar yr un pryd yn arwain at ail-ddyfodiad y Meseia. Ond nid brwydr ddwyfol yn erbyn paganiaeth oedd y croesgadau. Y bobl gyntaf i gael eu llofruddio oedd Iddewon yr Almaen. Yn ystod 1096 llofruddiwyd degau o filoedd o Iddewon y Rheindir - credai'r croesgadwyr bod hawl ganddyn nhw i wneud hyn. Wedi'r cyfan roedd Urban wedi eu hannog i ladd gelynyon Cristnogaeth, a'r Iddewon oedd wedi lladd Crist. Unwaith i'r gwaeddechrau llifo doedd dim modd atal byddin Pedr Feudwy, a symudodd i'r de tua Belgrade gan lofruddio 4,000 o bobl ar y ffordd. Roedd pobl Belgrade wedi gadael y ddinas cyn iddyn nhw gyrraedd ond fe aethon nhw ati i'w dinistrio beth bynnag.

I'r de eto at Gaergystennin, ble cawsant eu gorchymyn i droi i gyfeiriad arall gan yr Ymerawdwr Alexius. Symudodd y fyddin felly at Anatolia, ble aethon nhw ati i gyflawni gweithredoedd dwyfol fel poenydio a llofruddio. Llosgwyd plant, a defnyddiwyd babis a phennau pobl fel magnelau. Yr unig broblem oedd yn codi oedd bod y mwyafrif o drigolion Anatolia yn Gristnogion. Yn y diwedd fe gwrrdodd byddin Pedr Feudwy â byddin o Dwrciaid yn Nicae, a chawsant eu trechu. Roedd Croesgad y bobl ar ben.

Yn y cyfamser roedd y croesgadwyr proffesiynol yn symud tua'r dwyrain - brigad yngwladol o farchogion oedd â dim diwylliant, iaith na theyrngarwch yn gyffredin. Wedi cipio Nicae yn 1097 gorymdeithiodd y croesgadwyr at Antioch ble roedd Pedr, Paul a Barnabas wedi sefydlu'r gymuned Gristnogol gyntaf. Roedd yr ardal ym meddiant y Twrciaid ond roedd yn allweddol i'r Croesgadwyr oherwydd ei fod mewn man strategol pwysig ar y ffordd o Asia leiaf i Syria. Roedd Antioch yn enfawr, gyda welydd yn ymestyn am 25 milltir, ac roedd yn ymddangos fel man anodd iawn i'w gymryd.

*Prifysgol Bangor*

Felly doedd dim i wneud ond disgwyl, a dechreuodd y croesgadwyr wneud hyn yn 1097. Erbyn y Gwanwyn 1098 roedd bwyd y Twrciaid yn y ddinas yn dechrau mynd yn brin, a bwyd o croesgadwyr yn brinach fyth. Bu farw cannoedd ohonyn nhw o newyn. Yn waeth fyth gwyddai'r croesgadwyr bod byddin enfawr dan arweiniad Emir Mosul ar y ffordd i

Chicken Kebab a chips plis!

helpu'r Twrciaid. Dechreuodd rhai pobl adael byddin y croesgadwyr, wedi cael digon, gan gynnwys Stephen de Blois a'i ddyinion. Ar yr ail o Fehefin newidiodd pethau, wrth i un o'r gwylwyr yn y ddinas adael y croesgadwyr mewn. O fewn oriau doedd dim o'r Twrciaid yn dal yn fyw yn Antioch.

Y broblem nawr oedd nad oedd bwyd ar ôl yn y ddinas, a bod byddin yr Emir yn agosau. Cyrhaeddodd wythnos yn ddiweddarach a gallai'r croesgadwyr wneud dim ond gweddio y byddai'r ymerawdwr yn anfon cymorth atyn nhw. Roedd yr Ymerawdwr ar ei ffordd ond yn anffodus i'r croesgadwyr daeth ar draws Stephen de Blois wnaeth ddweud wrth eu bod wedi colli Antioch, a throdd yr ymerawdwr a'i fyddin yn ôl. Erbyn hyn roedd 20,000 o groesgadwyr newynog yn Antioch yn symud mewn i extra time.

Penderfynodd y croesgadwyr orymdeithio o'r ddinas a marw yn brwydro'n erbyn byddin enfawr yr Emir. Bryd hynny cafwyd gwyth - gwelodd byddin yr Emir ysbrydion yn dod dros gopa cyfagos ac fe redon nhw i ffwrdd oherwydd eu hofn. Yr 'ysbrydion' hyn oedd byddin Foslemaidd arall oedd ddim eisiau gweld yr Emir yn cymryd Antioch ac yn mynd yn rhy bwerus.

Dim ond tri chan milltir o'r ddinas sanctaidd oedd y croesgadwyr erbyn hyn, ac wrth deithio tuag ati cafwyd un o'r brwydrau mwyaf rhyfedd erioed, pan ymladdodd y croesgadwyr yn erbyn castell oedd yn cael ei hamddiffyn gan ddefaid. Roedd y bobl leol wedi ffoi o'r castell gan adael eu defaid ar ôl. Ar ôl ymosod ar y castell am beth amser sylweddolodd y croesgadwyr nad oedd neb yn ymladd yn ôl. Pan wnaethon nhw fynd mewn i'r castell fe sylweddolodd nhw eu bod wedi bod yn brwydro yn erbyn praidd o ddefaid.



Symudodd y croesgadwyr ymlaen i Jerwsalem, ac yno cafwyd y frwydr olaf o'r groesgad gyntaf, gyda'r llofruddio a'r poenydio yn cyrraedd lefel nas gwelwyd erioed o'r blaen. Yn ystod yr ymosodiad ffodd y Moslemaid i mewn i Fosg ac ildio i'r Cristnogion. Ac yno, 900 o'r enw Tancred a'i ddilynwyr i mewn i Deml yn Jerwsalem a llofruddio marchog ifanc 21 oed Foslemaidd. Dyma ddiwedd y cyntaf o'r Croesgadau, oedd wedi cychwyn dair mlynedd ynghynt, ac oedd yn cynnwys brwydrau yn erbyn ysbrydion, Moslemaid a defaid!



**A dyma ni yn y Wacky Races ble mae pawb am adael gweddill Cymru a chyrraedd Caerdydd! Ac yn gyntaf ar y grid mae Peter Perfect Hain yn y Turbo Terrific, yna Ron Ruffcut Davies yn y Buzzwagon. Yn dilyn mae'r Super Furry Animals yn yr Army Surplus Special, yr Ankst Hill Mob yn y Bullet Proof Bomb, a dyma Penelope Pitstop Cymru, Cerys Matthews yn y Compact Pussycat. Nesaf mae'r Gruesome Twosome, Dafydd Wigley a Siân Lloyd yn y Creepy Coupe. Yn dilyn mae'r Rod Max Richards, Cymdeithas yr Iaith yn yr Arkansas Chuggerbug ac yn olaf, y double dealing do-badders Tony Dastardly Blair a'i gi ffyddlon Alun Muttley Michael..... A bant â nhw! Ar y way out**

# WACKY RACES

